

ADMINISTRACIÓN LOCAL

MUNICIPAL

SALCEDA DE CASELAS

Ordenanzas e Regulamentos

APROBACIÓN DEFINITIVA DE ORDENANZA REGULADORA DA TAXA POR SERVICIOS DE CASAS DE BAÑOS, DUCHAS, PISCINAS, INSTALACIÓNS DEPORTIVAS E OUTROS SERVICIOS ANÁLOGOS

ANUNCIO DE APROBACIÓN DEFINITIVA DE ORDENANZA REGULADORA DA TAXA POR SERVICIOS DE CASAS DE BAÑOS, DUCHAS, PISCINAS, INSTALACIÓNS DEPORTIVAS E OUTROS SERVICIOS ANÁLOGOS

Transcorrido o prazo de exposición pública do acordo do pleno do Concello de Salceda de Caselas, de data 4 de maio de 2026, referido á aprobación provisional da modificación da ORDENANZA REGULADORA DA TAXA POR SERVICIOS DE CASAS DE BAÑOS, DUCHAS, PISCINAS, INSTALACIÓNS DEPORTIVAS E OUTROS SERVICIOS ANÁLOGOS, sen que se presentase ningunha reclamación unha vez transcorrido o prazo de exposición pública, este acordo elévase a definitivo, de conformidade co disposto no artigo 17.3 do Real Decreto Legislativo 2/2004, do 5 de marzo, polo que se aproba o texto refundido da Lei reguladora das Facendas Locais, publicándose o texto íntegro da ordenanza fiscal, tal e como figura no anexo da publicación deste anuncio de publicación obrigatoria.

Contra o presente Acordo, conforme ao artigo 19 do Texto Refundido da Lei Reguladora das Facendas Locais, aprobado polo Real Decreto Legislativo 2/2004, de 5 de marzo, poderase interpor recurso contencioso-administrativo, ante a Sala do Contencioso-Administrativo do Tribunal Superior de Xustiza de Galicia no prazo de dous meses a contar desde o día seguinte á publicación do presente anuncio, de conformidade co artigo 46 da Lei 29/1998, de 13 de xullo, da Xurisdición Contencioso-Administrativa.

ORDENANZA REGULADORA DA TAXA POR SERVICIOS DE CASAS DE BAÑOS, DUCHAS, PISCINAS, INSTALACIÓNS DEPORTIVAS E OUTROS SERVICIOS ANÁLOGOS

Artigo 1º. Natureza e fundamento

No uso das facultades concedidas polos artigos 133.2 e 142 da Constitución, polo artigo 106 da Lei 7/85, do 2 de abril, reguladora das bases do réxime local e de conformidade co establecido nos artigos 15 a 27 do Real Decreto Legislativo 2/2004,, acorda a imposición e ordenación da Taxa por servicios de casas de baños, duchas, piscinas, instalacións deportivas e outros servicios análogos.



Xoves, 25 de xuño de 2026

Núm. 119

Artigo 2º. Feito imponible

Constitúe o feito imponible da taxa a prestación dos servizos de casas de baños, duchas, piscinas, instalacións deportivas e outros servizos análogos, así como a participación en actividades organizadas polo Concello relacionadas co uso das devanditas instalacións, incluíndo, entre outras, os cursos de natación e demais actividades acuáticas, nos termos establecidos nas correspondentes tarifas.

Artigo 3º. Suxeitos pasivos

Serán suxeitos pasivos desta taxa as persoas físicas ou xurídicas e as entidades ás que se refire o artigo 35 da Lei xeral tributaria que soliciten ou resulten beneficiadas ou afectadas polos servizos ou actividades que se detallan na tarifa desta taxa.

Artigo 4º. Responsables

- Serán responsables solidarios das obrigas tributarias as persoas ou entidades ás que se refire o artigo 42 da Lei 58/2003, Xeral Tributaria.
- Serán responsables subsidiarios as persoas ou entidades ás que se refire o artigo 43 da mesma lei, nos supostos e co alcance que nela se establece.

Artigo 5º. Cota tributaria.

A cota desta taxa será a que figura no anexo desta ordenanza.

Artigo 6º. Beneficios fiscais

Só se admitirán os beneficios que veñan establecidos nas normas con rango de lei ou deriven de tratados ou acordos internacionais.

Artigo 7º. Devengo

Devéngase a taxa e nace a obriga de contribuír cando se presente a solicitude de prestación do servizo ou actividade.

Artigo 8º. Liquidación

- Cando se trate de servizos ou actividades cunha liquidación que se poida cuantificar no momento de presenta-la solicitude de prestación, liquidarase nese mesmo momento ou no momento posterior, pero sempre antes de presta-lo servizo ou de realiza-la actividade.
- Cando se trate de servizos ou actividades cunha liquidación que non se poida cuantificar no momento de presenta-la solicitude da prestación do servizo ou da realización da actividade, practicarase a liquidación unha vez prestado o servizo ou realizada a actividade.



Xoves, 25 de xuño de 2026

Núm. 119

- Se se realiza a prestación do servizo ou a actividade sen mediar solicitude, liquidarase e notificarase a taxa tan pronto se detecte esta situación, esixíndose o ingreso nos prazos previstos no Regulamento xeral de recadación para a liquidación de contraído previo, sen prexuízo de abri-lo oportuno expediente sancionador por infracción tributaria.

Artigo 9º. Ingreso

O pagamento desta taxa realizarase:

- Cando se trate de liquidacións cunha cuantificación que se poida efectuar antes de presta-lo servizo ou de levar a cabo a actividade, realizarase o ingreso antes da prestación do servizo ou realización da actividade na Tesourería municipal ou nas entidades financeiras que se sinalen na liquidación.
- Cando se trate de liquidacións cunha cuantificación que non se poida efectuar con anterioridade á prestación do servizo ou realización da actividade, farase o ingreso nos prazos e lugares que se sinalen na liquidación.

Artigo 10º. Infraccións e sancións

Nesta materia estarase ó disposto na Lei xeral tributaria e normativa de desenvolvemento.

DISPOSICIÓN ADICIONAL ÚNICA

Os aspectos non previstos nesta ordenanza rexeranse polo disposto no TRLHL, na Lei Xeral Tributaria e na normativa de desenvolvemento que resulte de aplicación.

DISPOSICIÓN FINAL

A presente ordenanza fiscal entrará en vigor ao día seguinte da súa publicación íntegra no Boletín Oficial da Provincia e permanecerá en vigor ata a súa modificación ou derogación expresa.



Xoves, 25 de xuño de 2026

Núm. 119

ANEXO.

As tarifas que se aplicarán para a exacción desta Taxa serán as seguintes:

1.- PISCINAS:

IDADE	PREZO ENTRADA
0-4 anos	De balde
5-14 anos	1,50 €
A partir de 15 anos	2,00 €

BONOS		
IDADE	Nº ENTRADAS	PREZO
5-14 anos	25	25,00 €
A partir de 15 anos	25	35,00 €

2.- PAVILLÓN MUNICIPAL:

CONCEPTO	EUROS
Equipos ou Entidades Deportivas, Culturais (locais) non federados, ptas./hora	12,02 €
Equipos ou Entidades Deportivas, Culturais (non locais) non federados, ptas./hora	24,04 €
Festivais ou actos públicos, solicitados a instancia de parte, excepto actividades sen ánimo de lucro	300,51 €

3.- CURSOS DE NATACION

CURSOS DE NATACIÓN	
IDADE	PREZO
De 4 a 14 anos	30,00 €
A partir de 15 anos	35,00 €

DOCUMENTO ASINADO ELECTRONICAMENTE

